

TERMA DAN SYARAT
PERTANDINGAN ROBOTIK SIMPAN SSPN (INOVASI)

1. Kempen Bulan Menabung Simpan SSPN (BMS) 2023 merupakan salah satu kewajipan yang telah dirangka dan dilaksanakan bermula tahun 2018 sebagai salah satu kewajipan promosi dalam usaha untuk menjadikan Simpan SSPN sebagai pilihan utama masyarakat untuk membuat penabungan.
2. Pertandingan Robotik Simpan SSPN (Inovasi) diadakan untuk mencungkil bakat pelajar bagi mencetus idea kreatif dan inovatif dalam mencipta model robot dengan menggunakan bahan kitar semula. Di samping itu dapat memberi pendedahan mengenai kepentingan serta cara mengitar semula. Melalui aktiviti sebegini juga akan dapat menerapkan nilai-nilai murni dan kesedaran tentang pentingnya menjaga alam sekitar.
3. Objektif pertandingan ini adalah bertujuan untuk memupuk dan meningkatkan budaya pemikiran kreatif dan inovatif pelajar bagi menghasilkan reka bentuk model robot (inovasi) baharu selaras dengan tema BMS 2023 Robotik: Ke Arah Transformasi Dunia Pendigitalan.

TARIKH PERTANDINGAN

4. Pertandingan ini akan diadakan pada **21 Oktober 2023 (Sabtu)** bertempat di Centre Atrium, Alor Setar Mall, Kedah.
5. PTPTN mempunyai hak mutlak untuk menukar atau meminda tempoh kewajipan ini sekiranya perlu dengan memberi notis awal melalui laman web rasmi PTPTN, media massa, paparan notis di cawangan-cawangan PTPTN atau apa-apa cara yang difikirkan sesuai sekurang-kurangnya dua puluh satu (21) hari kalender sebelum tarikh tersebut.

KELAYAKAN PENYERTAAN

6. Terdiri daripada **warganegara Malaysia**.
7. Pertandingan menghasilkan reka cipta dan inovasi model robot secara individu ini **TERBUKA** kepada peserta berumur 7-12 tahun.
8. Peserta perlu **mempunyai akaun Simpan SSPN yang dibuka dengan deposit minimum RM50.00 atau membuat penambahan simpanan minimum RM50.00 pada bulan Oktober 2023 atau selewat-lewatnya pada 21 Oktober 2023** untuk melayakkan menyertai pertandingan ini.

SYARAT PERTANDINGAN

9. Peserta perlu mereka cipta dan menghasilkan satu (1) model robot inovasi mengikut kreativiti peserta.
10. Reka bentuk model Robot Inovasi yang dicipta untuk yang menyertai pertandingan hendaklah merupakan projek yang telah lengkap siap kesempurnaannya sebelum didaftarkan kepada pihak urus setia.
11. Pendaftaran akan dibuka pada jam 8.30 pagi sehingga 2.30 petang, 21 Oktober 2023 (Sabtu) yang bertempat di Centre Atrium, Alor Setar Mall, Kedah.
12. Penyertaan peserta adalah **terbuka kepada 15 orang peserta terawal**.
13. Penyertaan yang lewat dihantar tidak diterima atau dilayan. Perbadanan Tabung Pendidikan Tinggi Nasional (PTPTN) tidak bertanggungjawab ke atas sebarang kelewatan yang timbul secara langsung atau tidak langsung daripada penyertaan yang dihantar.

PENILAIAN PERTANDINGAN

14. Peserta akan membuat persembahan secara langsung reka bentuk model robot inovasi yang direka di hadapan juri. Setiap peserta akan menjalani sesi penilaian seperti berikut.
 - i. Pengenalan dan melakukan demonstrasi/ memperagakan reka bentuk model robot inovasi yang dihasilkan kepada juri.
 - ii. Para peserta akan diberikan masa selama dua (2) minit untuk dinilai oleh para juri.
15. Reka bentuk model Robot inovasi akan dinilai berdasarkan kreativiti, idea dan penggunaan maksima bahan kitar semula.
16. Pemenang dipilih berdasarkan pemarkahan panel juri profesional yang dipilih oleh pihak PTPTN.
17. Keputusan pemenang yang diumumkan oleh PTPTN adalah muktamad. Sebarang surat menyurat, pertanyaan, rayuan, bantahan atau apa-apa cubaan untuk mempertikaikan keputusan adalah tidak akan dilayan bagi mana-mana situasi.

HADIAH PERTANDINGAN DAN TUNTUTAN HADIAH

KATEGORI	PEMENANG	HADIAH TUNAI
Terbuka (7 - 12 tahun)	Pertama	RM150 x 1 pemenang
	Kedua	RM120 x 1 pemenang
	Ketiga	RM100 x 1 pemenang
	Keempat	RM80 x 1 pemenang
	Kelima	RM50 x 1 pemenang
	Saguhati	RM30 x 5 pemenang

18. Hadiah yang dimenangi tidak boleh dipindah milik atau ditukar sama ada sebahagian atau keseluruhannya kepada bentuk lain selain yang ditetapkan oleh PTPTN.
19. Hadiah berbentuk ganjaran tunai yang dimenangi akan dikreditkan ke dalam akaun Simpan SSPN Prime dalam tempoh **DUA (2) BULAN** daripada tarikh pengumuman pemenang. Sekiranya pemenang tidak mempunyai akaun Simpan SSPN Prime, pembukaan akaun akan dibuat berdasarkan kepada butiran akaun di Simpan SSPN Plus.

PERUNTUKAN UMUM

20. PTPTN berhak meminda, membatalkan atau menambah mana-mana terma dan syarat dalam pertandingan ini sama ada secara keseluruhan atau sebahagian tanpa notis terlebih dahulu. Pindaan, pembatalan atau penambahan tersebut dianggap mengatasi pernyataan sepertimana yang terkandung di dalam bahan promosi pengiklanan terdahulu yang berkaitan dengannya.
21. PTPTN berhak untuk membatalkan, menamatkan atau menangguhkan pertandingan ini dengan atau tanpa notis terlebih dahulu dan/ atau tanpa memberikan apa-apa sebab kepada mana-mana peserta. Untuk mengelakkan keraguan, sebarang pembatalan, penamatan atau penggantungan pertandingan ini oleh PTPTN tidak akan memberi hak kepada mana-mana peserta untuk apa-apa tuntutan atau pampasan terhadap PTPTN ke atas apa-apa dan/ atau keseluruhan kehilangan, kos, perbelanjaan atau kerosakan yang ditanggung atau dialami sebagai kesan langsung atau tidak langsung daripada pembatalan, penamatan atau penggantungan tersebut.
22. PTPTN tidak bertanggungjawab ke atas penghantaran penyertaan yang lewat, hilang, tidak lengkap, tidak diserahkan, ditangguhkan, rosak atau salah arah sama ada disebabkan kesilapan, peninggalan, pengubahan, gangguan, penghapusan, kecurian, pemusnahan atau sebaliknya.
23. PTPTN berhak membatalkan sebarang penyertaan tanpa sebarang notis, sekiranya didapati peserta tidak layak dan tidak mengikut terma dan syarat yang telah ditetapkan.

24. Jika pemenang didapati tidak memenuhi syarat-syarat untuk mengambil bahagian dalam pertandingan ini atau menebus hadiah yang diberikan, PTPTN berhak untuk membatalkan atau mengambil semula hadiah dan menganugerahkan hadiah yang sama kepada pemenang yang lain sebagaimana yang ditentukan oleh PTPTN.
25. Penyertaan peserta dalam pertandingan ini adalah atas risiko peserta sendiri. PTPTN tidak akan bertanggungjawab atas sebarang kecederaan, kehilangan, kerosakan atau tuntutan akibat penyertaan tersebut.
26. Segala terma dan syarat yang terdapat di dalam dokumen ini dan juga sebarang keputusan yang dibuat oleh PTPTN berhubung pertandingan ini adalah muktamad dan konklusif. PTPTN tidak akan melayan sebarang rayuan atau pertikaian melibatkan keputusan yang telah dibuat.
27. PTPTN boleh menggunakan penyertaan peserta termasuk tanpa terhad kepada gambar, video, lukisan, teks, dan kandungan atau maklumat lain yang dikemukakan untuk tujuan promosi (secara kolektif dinamakan "Bahan"), dan nama peserta, dan/ atau persamaannya, untuk tujuan pengiklanan, publisiti dan promosi mana mana barang atau perkhidmatan PTPTN, untuk tempoh tidak terhad di seluruh dunia tanpa pampasan, dan dalam mana-mana media. Peserta hendaklah melakukan segala perkara yang perlu untuk tujuan ini jika diminta oleh PTPTN.
28. Segala surat-menurut yang dihantar ke alamat terakhir mengikut rekod PTPTN adalah dianggap telah diserahkan kepada peserta.

*Nota: Anda dinasihatkan untuk membaca dan memahami Terma & Syarat penuh
Pertandingan Robotik Simpan SSPN (Inovasi)
Program Bulan Menabung Simpan SSPN 2023 Peringkat Negeri Kedah*

Maklumat dikemas kini pada 13 Oktober 2023